



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-1-40-628-4/24**

Datum: **07.03.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «ADO-TRANS» d.o.o. Visoko za donošenje rješenja o vodnoj saglasnosti za aktivnost vađenja materijala iz vodotoka rijeke Bosne na lokalitetu „Šehin Vir“ kod mosta A1 Tičići, općina Kakanj – LOT 5, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

1. Odbija se zahtjev pravnog lica «ADO-TRANS» d.o.o. Visoko za donošenje rješenja o vodnoj saglasnosti za aktivnost vađenja materijala iz vodotoka Bosne na lokalitetu „Šehin Vir“ kod mosta A1 Tičići, općina Kakanj – LOT 5 kao neosnovan jer nisu ispoštovane odredbe Ugovora o vađenju materijala iz vodotoka rijeke Bosne na lokalitetu „Šehin Vir“ kod kod mosta A1 Tičići, općina Kakanj – LOT 5, broj: 30-274-24/24, zaključenog dana 08.08.2024. godine između «Agencije za vodno područje rijeke Save» Sarajevo i pravnog lica «ADO-TRANS» d.o.o. Visoko (u daljnjem tekstu Ugovor).

Obrazloženje

Pravno lice, «ADO-TRANS» d.o.o. Visoko se, dana 12.12.2024. godine, pismenim zahtjevom obratilo ovoj Agenciji tražeći izdavanje vodne saglasnosti za aktivnost vađenja materijala iz vodotoka rijeke Bosne na lokalitetu „Šehin Vir“ kod mosta A1 Tičići, općina Kakanj.

Uvidom u dostavljeni Ugovor je utvrđeno da podnosilac zahtjeva nije ispoštovao član 9. Ugovora, odnosno rok za izvršenje obaveza iz člana 2. Ugovora.

Članom 2. Ugovora su propisane obaveze izvođača prije početka vađenja materijala. U skladu sa članom 9. rok za izvršenje obaveza iz člana 2. Ugovora je 30 dana od dana zaključenja Ugovora.

Tačka 2. stav (1) alineja 2. Ugovora glasi:

„-pribaviti vodnu saglasnost za vađenje materijala iz vodotoka koji je predmet ovog Ugovora“.

U predviđenom roku nije ni podnesen zahtjev za ishodovanje vodne saglasnosti za vađenje materijala iz vodotoka.

Iz naprijed navedenih razloga, a u skladu s članom 139. stav (1) Zakona o vodama i članom 200. stav (1) Zakona o upravnom postupku, riješeno je kao u dispozitivu ovoga Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju
Rukovodilac Sektora za izdavanje vodnih akata



Nihad Pezo
Nihad Pezo, dipl.inž.građ.

Dostaviti:

- «ADO-TRANS» d.o.o., Očazi bb, 71300 Visoko
- Ⓢ AVP Sava, ISV-vodna knjiga
- Sektor 50
- Sektor 40
- Oglasna ploča – AVP Sava